

ნასყიდობის ხელშეკრულება


თბილისი

31 ივლისი 2012 წელი

ერთი მხრივ, საქართველოს ეკონომიკისა და მდგრადი განვითარების სამინისტრო, (შემდგომში „გამყიდველი“), წარმოდგენილი მინისტრის მოადგილის დავით გიორგაძის (პირადი №01026000751) მიერ, მოქმედი საქართველოს ეკონომიკისა და მდგრადი განვითარების მინისტრის 2011 წლის 28 თებერვლის №1-1/322 ბრძანებით მინიჭებული უფლებამოსილების ფარგლებში და საქართველოს შრომის ჯანმრთელობისა და სოციალური დაცვის სამინისტრო (შემდგომში „სამინისტრო“) წარმომადგენელი მინისტრის ზურაბ ჭიაბერაშვილის (პირადი №01011012173) მიერ, მეორე მხრივ, შპს „ალიანს მედი +“ (ს.კ 404875284) წარმოდგენილი დირექტორის გიორგი თოხაძის (პირადი №01024028011) მიერ (შემდგომში „მყიდველი“) ერთად წოდებულნი როგორც „მხარეები“ ხოლო ცალ-ცალკე როგორც „მხარე“.

„სახელმწიფო ქონების შესახებ“ საქართველოს კანონის, საქართველოს სამოქალაქო კოდექსის, „სახელმწიფო ქონების პირდაპირი მიყიდვის ფორმით პრივატიზების შესახებ დებულების დამტკიცების თაობაზე“ საქართველოს ეკონომიკისა და მდგრადი განვითარების მინისტრის 2010 წლის 16 სექტემბრის №1-1/1537 ბრძანების, „ჯანმრთელობის დაზღვევის სახელმწიფო პროგრამების ფარგლებში 0-5 წლის (ჩათვლით) ასაკის ბავშვების, 60 წლის და ზემოთ ასაკის მამაკაცების (საპენსიო ასაკის მოსახლეობა), სტუდენტების, შეზღუდული შესაძლებლობის მქონე ბავშვთა და მკვეთრად გამოხატული შეზღუდული შესაძლებლობის მქონე პირთა ჯანმრთელობის დაზღვევის მიზნით გასატარებელი ღონისძიებებისა და სადაზღვევო ვაუჩერის პირობების განსაზღვრის შესახებ“ 2012 წლის 7 მაისის №165 დადგენილებისა და „სახელმწიფო ქონების შპს „ალიანს მედი +“-ისასთვის პირდაპირი მიყიდვის ფორმით პრივატიზების შესახებ“ საქართველოს პრეზიდენტის 2012 წლის 30 ივლისის №30/07/03 განკარგულების, საფუძველზე, ვაფორმებთ წინამდებარე ნასყიდობის ხელშეკრულებას (შემდგომში „ხელშეკრულება“) შემდეგზე:

მუხლი 1. ხელშეკრულების საგანი



პირობების თანახმად, „გამყიდველი“ გადასცემს, ხოლო „მყიდველი“ იღებს საკუთრებაში სახელმწიფო საკუთრებაში არსებულ უძრავ ქონებას

- ქ. ქარელში მდებარე 4 000 კვ.მ არასასოფლო-სამეურნეო დანიშნულების მიწის ნაკვეთს (მიწის (უძრავი ქონების) საკადასტრო კოდი N68.10.45.124) (შემდგომში წოდებული, როგორც „ქონება“).


მუხლი 2. საპრივატიზებო საფასური და გადახდის წესი

- 2.1 „მყიდველი“ ვალდებულია გადაიხადოს საპრივატიზებო საფასური - 8064 (რვა ათას სამოცდაოთხი) ლარი, რომელიც ამ ხელშეკრულების მიზნებისათვის შედგება საპრივატიზებო შემოსულობისაგან, გადაიხადოს ხელშეკრულების გაფორმებიდან 30 კალენდარულ დღეში.
- 2.2 მყიდველს ქონება გადაეცემა ამ ხელშეკრულებით ნაკისრი ვალდებულებების შესრულების პირობით,
- 2.3 „მყიდველი“ ვალდებულია გადაიხადოს 2.1 პუნქტით გათვალისწინებული საპრივატიზებო საფასური და ამავე პუნქტით გათვალისწინებულ ვადაში წარმოდგინოს გამყიდველს საპრივატიზებო საფასურის გადახდის დამადასტურებელი დოკუმენტი.
- 2.4 საპრივატიზებო საფასურის გადახდა განხორციელდება უნაღდო ანგარიშსწორების ფორმით, გამყიდველის მიერ მითითებულ შემდეგ საბანკო ანგარიშზე:
- სალარო ანგარიში:
- მიმღები - ხაზინის ერთიანი ანგარიშის სხვა შემოსულობები (ცენტრალიზებული) ანგარიში №200122900
- მიმღები ბანკი - სახელმწიფო ხაზინა
- ბანკის კოდი: 220101222
- სახაზინო კოდი: 300453388

მუხლი 3. მხარეთა უფლება-მოვალეობები

3.1 მყიდველი ვალდებულია:

- 3.1.1 გადაიხადოს „ქონების“ საპრივატიზებო საფასური და წარუდგინოს „გამყიდველს“ გადახდის დამადასტურებელი დოკუმენტი წინამდებარე ხელშეკრულების მე-2 მუხლით დადგენილი პირობების შესაბამისად;
- 3.1.2 2013 წლის 1 სექტემბრამდე უზრუნველყოს წინამდებარე ხელშეკრულების პირველი მუხლით გათვალისწინებული ქონების ბაზაზე 20 საწოლიანი მრავალპროფილიანი საავადმყოფოს შექმნა და ექსპლუატაციაში მიღება საქართველოს კანონმდებლობით გათვალისწინებული სალიცენზიო/სანებართვო პირობების დაცვით



3.1.3 უზრუნველყოს დანართი №1-ით გათვალისწინებული ბაზისური სამედიცინო სერვისების უწყვეტობა ქარელის მუნიციპალიტეტში შესაბამისი ჯანმრთელობის დაცვის სახელმწიფო პროგრამების ფარგლებში 3.1.2 პუნქტით განსაზღვრული ვადის დადგომიდან 7 წლის განმავლობაში, დანართი №1-ით განსაზღვრული სპეციფიური პირობების გათვალისწინებით და გეოგრაფიული ხელმისაწვდომობის პრინციპის დაცვით.

3.1.4 წინამდებარე ხელშეკრულების 3.1.2 ქვეპუნქტებით გათვალისწინებული ვალდებულების შესრულების დადასტურების მიზნით, გამყიდველს წარუდგინოს "საექსპერტო და აუდიტორული დასკვნების გამცემ პირთა ნუსხის დამტკიცების თაობაზე" საქართველოს მთავრობის 2009 წლის 30 დეკემბრის №1064 განკარგულებით განსაზღვრული ერთ-ერთი საექსპერტო ან/და აუდიტორული პირის მიერ მომზადებული დასკვნა;

3.1.5 ხელშეკრულების მოქმედების პერიოდში, დაიცვას ხელშეკრულებით ნაკისრი ვალდებულებები და "გამყიდველის" და/ან "სამინისტროს" მოთხოვნისთანავე, მაგრამ არაუგვიანეს მოთხოვნის მიღებიდან 30 (ოცდაათი) კალენდარული დღისა, წარუდგინოს "გამყიდველს" და/ან "სამინისტროს" ინფორმაცია მათი შესრულების შესახებ.

3.1.6 ხელშეკრულების ხელმოწერისთანავე დაარეგისტრიროს საჯარო რეესტრში საკუთრების უფლება და წინამდებარე ხელშეკრულებით გათვალისწინებული ვალდებულებები, მათ შორის საპრივატიზებო საფასურის გადახდის ვალდებულება;

3.1.7 დაფაროს მარეგისტრირებელ ორგანოში ხელშეკრულებით გათვალისწინებული ვალდებულებებისა და უძრავი ქონების რეგისტრაციის ხარჯი.

3.2. "მყიდველს" უფლება აქვს "გამყიდველის" თანხმობის შემთხვევაში, საპრივატიზებო ვალდებულების შესრულების მიზნით იპოთეკით დატვირთოს „ქონება“.

3.3 "გამყიდველი" ვალდებულია:

"მყიდველის" მიერ წინამდებარე ხელშეკრულებით გათვალისწინებული ვალდებულებების შესრულების დამადასტურებელი დოკუმენტის წარმოდგენიდან 5 (ხუთი) სამუშაო დღის ვადაში გასცეს ვალდებულების სრულად ან მისი ნაწილის შესრულების წერილობითი დადასტურება, შესაბამის მარეგისტრირებელ ორგანოში უძრავ ქონებასთან დაკავშირებული ვალდებულების გაუქმების ან მასში ცვლილების რეგისტრაციის საფუძველია.



მუხლი 4. ხელშეკრულების განსაკუთრებული პირობები

4.1 მხარეებს უფლება აქვთ, მოსთხოვონ ერთმანეთს ხელშეკრულებით ნაკისრი ვალდებულებების ჯეროვნად, სრულად და დროულად შესრულება.

4.2 „მყიდველს“ „ქონებაზე“ საკუთრების უფლება გადაეცემა ხელშეკრულების ხელმოწერისა და შესაბამის მარეგისტრირებელ ორგანოში საკუთრების უფლების რეგისტრაციის მომენტიდან. ამასთან, მყიდველი ვალდებულია შესაბამის მარეგისტრირებელ ორგანოში დაარეგისტრიროს ხელშეკრულებით ნაკისრი ვალდებულებები.

4.3 ხელშეკრულებით გათვალისწინებული ვალდებულებები შესრულებულად ითვლება „გამყიდველის“ მიერ მათი დადასტურების მომენტიდან.

4.4 ხელშეკრულების 3.1.3 პუნქტით გათვალისწინებული ვალდებულებები შესრულებულად ითვლება „სამინისტროს“ მიერ მომზადებული დასკვნის საფუძველზე „გამყიდველის“ მიერ მათი დადასტურების მომენტიდან. „სამინისტრო“ 3.1.3 პუნქტით გათვალისწინებული ვალდებულებების შესრულების შესახებ დასკვნას „გამყიდველს“ წარუდგენს იმ შემთხვევაშიც თუ ჯანმრთელობის დაცვის შესაბამისი სახელმწიფო პროგრამების ფარგლებში გამოვლინდა სერვისების ალტერნატიული მიმწოდებელი, ამავე მიმწოდებლის მიერ აღებული ვალდებულებების მოქმედების პერიოდის განმავლობაში.

4.5 თუ ჯანმრთელობის დაცვის შესაბამისი სახელმწიფო პროგრამების ფარგლებში გამოვლინდა სერვისების ალტერნატიული მიმწოდებელი, მყიდველს არ ეკისრება 3.1.3 პუნქტით ნაკისრი ვალდებულებების შესრულების მოვალეობა (იმ ნაწილში სადაც ალტერნატიული მიმწოდებელი გამოვლინდა), ალტერნატიული მიმწოდებლის მიერ სერვისების მიწოდების განმავლობაში. აღნიშნულის შესახებ სამინისტრო აცნობებს „გამყიდველს“.

4.6 თუ „მყიდველი“ წინამდებარე ხელშეკრულებით განსაზღვრულ ვადაში არ გადაიხდის და არ წარმოადგენს საპრივატიზებო საფასურის გადახდის დამადასტურებელ დოკუმენტს, მყიდველისათვის საპრივატიზებო საფასურის გადახდისათვის მიცემული დამატებითი ვადის უშედეგოდ გასვლის შემთხვევაში, გამყიდველის წერილობითი მიმართვის საფუძველზე შესაბამის მარეგისტრირებელ ორგანოში უქმდება წინამდებარე ხელშეკრულების საფუძველზე წარმოშობილი „მყიდველის“ საკუთრების უფლება და „ქონება“ რეგისტრირდება სახელმწიფო საკუთრებად.

4.7 „მყიდველს“ „ქონების“ საპრივატიზებო საფასურის გადახდამდე არ აქვს უფლება გადაეცემა ქონება გაცეს სარგებლობის უფლებით ან სხვაგვარად



დატვირთოს, გარდა ამ ხელშეკრულების 3.2 პუნქტით განსაზღვრული შემთხვევისა. ამასთან, ის ვალდებულია უზრუნველყოს „ქონების“ მოვლა-პატრონობა და დაცვა წინამდებარე ხელშეკრულებით ნაკისრი ვალდებულების შესრულების დადასტურებამდე.

4.8 „გამყიდველის მიერ საპრივატიზებო საფასურის სრულად გადახდიდან ხელშეკრულების მოქმედების პერიოდში „მყიდველის“ მიერ „ქონების“ გასხვისების შემთხვევაში, „მყიდველი“ ვალდებულია ქონება ახალ მესაკუთრეზე გაასხვისოს იმავე პირობებით, რაც გათვალისწინებული იყო ნასყიდობის ხელშეკრულებით. უძრავი ქონების გასხვისების შესახებ წერილობით უნდა ეცნობოს „გამყიდველს“.

4.9 „ქონების“ ნაწილობრივ გასხვისების შემთხვევაში, ახალი მესაკუთრე „მყიდველთან“ ერთად სოლიდარულად აგებს პასუხს წინამდებარე ხელშეკრულებით ნაკისრი ვალდებულებების შესრულებაზე. უ „ქონების“ ნაწილობრივ გასხვისების შემთხვევაში გასხვისების შესახებ წერილობით უნდა ეცნობოს „გამყიდველს“.

მუხლი 5. მხარეთა პასუხისმგებლობა და ხელშეკრულების შეწყვეტა

5.1 ხელშეკრულებით ნაკისრი ვალდებულებების შეუსრულებლობის შემთხვევაში, სახელმწიფო ქონების შემძენი იღებს წერილობით გაფრთხილებას, რომელშიც მიეთითება დარღვევის გამოსწორების გონივრული ვადა და პირგასამტეხლოს ოდენობა.

5.2 პირგასამტეხლო განისაზღვრება შემდეგნაირად:

5.2.1 წინამდებარე ხელშეკრულების 2.1 პუნქტით განსაზღვრული საპრივატიზებო საფასურის გადაუხდელობის შემთხვევაში, გამყიდველი მყიდველს გადასცემს დარღვევის ხასიათის აღმწერ წერილობით შეტყობინებას, რომელშიც მიეთითება დარღვევის გამოსწორების ვადა და იმავდროულად დააკისრებს პირგასამტეხლოს გადაუხდელი თანხის 0,1% ოდენობით დარღვევის დღიდან ყოველ ვადაგადაცილებულ დღეზე;

5.2.2 ხელშეკრულების 3.1.2 ქვეპუნქტით განსაზღვრული ვალდებულების შეუსრულებლობის ან არაჯეროვანი შესრულების შემთხვევაში „გამყიდველი“ გადასცემს დარღვევის ხასიათის აღმწერ წერილობით შეტყობინებას, რომელშიც მიეთითება დარღვევის გამოსწორების გონივრული ვადა და იმავდროულად დააკისრებს პირგასამტეხლოს 3000 (სამი ათასი) ლარის ოდენობით დარღვევის დღიდან ყოველ ვადაგადაცილებულ დღეზე; 2013 წლის 31



დეკემბრის შემდეგ 3.1.2 პუნქტით გათვალისწინებული ვალდებულების შეუსრულებლობის გაგრძელების შემთხვევაში გამყიდველი მყიდველს დააკისრებს პირგასამტეხლოს 5000 (ხუთი ათასი) ლარის ოდენობით ყოველ დარღვეულ დღეზე.

5.2.3 ხელშეკრულების 3.1.3 პუნქტით განსაზღვრული ვალდებულებების დარღვევისათვის „მყიდველის“ პასუხისმგებლობა განისაზღვრება ჯანმრთელობის დაცვის შესაბამისი სახელმწიფო პროგრამით გათვალისწინებული წესის შესაბამისად.

5.2.4 ხელშეკრულების 3.1.3-ით განსაზღვრული ვალდებულებების შესრულებაზე უარის თქმის შემთხვევაში „სამინისტრო“ წერილობით აცნობებს „გამყიდველს“ ამ ვალდებულების შეუსრულებლობის შესახებ, რის საფუძველზეც „გამყიდველი“ „მყიდველს“ გადასცემს დარღვევის ხასიათის აღმწერ წერილობით შეტყობინებას, რომელშიც მიეთითება დარღვევის გამოსწორების გონივრული ვადა და იმავდროულად დააკისრებს პირგასამტეხლოს 1000 (ათასი) ლარის ოდენობით დარღვევის დღიდან ყოველ ვადაგადაცილებულ დღეზე.

5.2.5 ხელშეკრულებით ნაკისრი სხვა ვალდებულებების შეუსრულებლობის ან არაჯეროვანი შესრულების შემთხვევაში გამყიდველი მყიდველს გადასცემს დარღვევის ხასიათის აღმწერ წერილობით შეტყობინებას, რომელშიც მიეთითება დარღვევის გამოსწორების ვადა და იმავდროულად დააკისრებს პირგასამტეხლოს - 1000 (ათასი) ლარის ოდენობით დარღვევის დღიდან ყოველ ვადაგადაცილებულ დღეზე.

5.3 დაკისრებული პირგასამტეხლოს თანხის გადახდა არ ათავისუფლებს მყიდველს ხელშეკრულებით ნაკისრი ვალდებულებების შესრულებისაგან, გარდა ხელშეკრულების 5.8 პუნქტით გათვალისწინებული შემთხვევისა.

5.4. ხელშეკრულებით გათვალისწინებული ვალდებულებების განმეორებით შეუსრულებლობის შემთხვევა ან/და დაწესებულ ვადაში პირგასამტეხლოს გადაუხდელობა „გამყიდველის“ მიერ განიხილება ხელშეკრულების ცალმხრივად მოშლის საფუძველად. ასეთ შემთხვევაში პრივატიზებული ქონება უბრუნდება პრივატიზების განმახორციელებელ ორგანოს. სახელმწიფო ქონების შემძენს არ უნაზღაურდება გადახდილი თანხები და გაწეული დანახარჯები.

5.8 „მყიდველის“ მიერ ხელშეკრულების შესრულებაზე უარის თქმის შემთხვევაში, წინამდებარე ხელშეკრულების შესაწყვეტად საჭიროა „მხარეთა“ შეთანხმება. შეთანხმების შემთხვევაში მყიდველს დაეკისრება პირგასამტეხლო 200 000 (ორასი ათასი) ლარის ოდენობით. ამასთან, „გამყიდველს“ (გარდა იმ შემთხვევებისა, რომელთა დაკავშირებითაც ხელშეკრულებით გათვალისწინებული



ვალდებულებები შესრულებულია) უბრუნდება შეძენილი ქონება და მყიდველს არ აუნაზღაურდება გადახდილი თანხები და გაწეული დანახარჯები.

5.9. ხელშეკრულების 5.8 პუნქტით გათვალისწინებული პირგასამტეხლოს გადახდა არ ათავისუფლებს მყიდველს ხელშეკრულებით გათვალისწინებული ვალდებულებების შეუსრულებლობისათვის უკვე დაკისრებული პირგასამტეხლოს გადახდისაგან.

მუხლი 6. ფორს-მაჟორი

6.1 მხარეები თავისუფლდებიან პასუხისმგებლობისაგან წინამდებარე ხელშეკრულებით განსაზღვრული ვალდებულებების შეუსრულებლობის ან არაჯეროვნად შესრულების გამო, თუ ამგვარი შეუსრულებლობა გამოწვეული იყო ფორს-მაჟორული გარემოებით. წინამდებარე ხელშეკრულების მიზნებისთვის ფორს-მაჟორულ გარემოებად ჩაითვლება გარემოება ან მოვლენა, რომელიც ცდება გამყიდველის ან მყიდველის კონტროლის ფარგლებს და რომლის დადგომაც წინამდებარე ხელშეკრულებით გათვალისწინებული ვალდებულებების შესრულებას შეუძლებელს ხდის, და რომელიც მოიცავს, მაგრამ არ შემოიფარგლება სტიქიური უბედურებებით, გაფიცვებით, საბოტაჟით და სხვა სახის წარმოების შეფერხებით, სამოქალაქო არეულობით, ომით, (გამოცხადებული თუ გამოუცხადებელი), ან სხვა სამხედრო, ტერორისტული ან პარტიზანული მოქმედებებით, ბლოკადით, აჯანყებით, მიწისძვრებით, ზვავებით ან სხვა მსგავსი მოვლენით, რომელიც არ ექვემდებარება იმ მხარის კონტროლს, რომელზეც ასეთი ფორს-მაჟორული მოვლენა ახდენს გავლენას და რომლის თავიდან აცილება ასეთ მხარეს არ შეეძლო.

6.2 მხარე, რომელიც ვერ ასრულებს მის ვალდებულებებს ფორს-მაჟორული გარემოების ან მოვლენის გამო, ვალდებულია აცნობოს მეორე მხარეს ხსენებული გარემოების და მოვლენის როგორც დადგომის, ასევე შეწყვეტის შესახებ არაუგვიანეს 72 საათისა მისი დადგომიდან ან შეწყვეტიდან. წინააღმდეგ შემთხვევაში, მხარე კარგავს უფლებას, მიუთითოს აღნიშნულ მოვლენებზე და გარემოებებზე, როგორც ვალდებულებების შეუსრულებლობის ან არაჯეროვანი შესრულების გამო პასუხისმგებლობისგან გათავისუფლების საფუძველზე. შეტყობინებაში მითითებული უნდა იყოს მოვლენის ან გარემოების აღწერა და მათი ზეგავლენა ამ მხარის მიერ წინამდებარე ხელშეკრულებით განსაზღვრული



ვალდებულებების შესრულებაზე, ისევე, როგორც ასეთი ვალდებულებების შესრულების დაგვიანების მოსალოდნელი ვადა.

6.3 ფორს-მაჟორული გარემოებების არსებობის და მათი დადასტურების შემთხვევაში, მხარეების მიერ სახელშეკრულებო ვალდებულებების შესრულების ვადა გადაიდება ფორს-მაჟორული გარემოების ხანგრძლივობის შესაბამისად.

6.4 ვადის ათვლა განახლდება იმ ფორს-მაჟორული გარემოების მოქმედების შეწყვეტის დღიდან, რომელიც წარმოადგენდა სახელშეკრულებო ვალდებულებების შესრულების შეჩერების საფუძველს. ვადის დარჩენილი ნაწილი გადაიწევს შეჩერების ხანგრძლივობის შესაბამისად.

6.5. ფორს-მაჟორული გარემოებების 1 თვეზე მეტი ხნით გაგრძელების შემთხვევაში მხარეები უფლებამოსილნი არიან განიხილონ ხელშეკრულების შეწყვეტის ან შეცვლილი გარემოებებისადმი მისადაგების საკითხი.

მუხლი 7. შეტყობინებები

7.1 ნებისმიერი შეტყობინება და მიმოწერა მხარეებს შორის უნდა განხორციელდეს წერილობით ქართულ ენაზე და გადაცემულ უნდა იქნეს პირადად, ფაქსის, შეკვეთილი წერილის, კურიერის ან ელექტრონული მატარებლების მეშვეობით ქვემოთ მითითებულ მისამართებზე ან სხვა მისამართზე წინასწარი შეტყობინებით.

7.2. წინამდებარე ხელშეკრულების 7.1 პუნქტის მიზნებისათვის მხარეთა რეკვიზიტებია:

7.2.1. გამყიდველის შემთხვევაში:

მომღები: საქართველოს ეკონომიკისა და მდგრადი განვითარების სამინისტრო
მისამართი: ჭანტურიას ქ. №12, თბილისი, საქართველო;

ტელ: 995 32 991105; 991111

ფაქსი: 995 32 921534

7.2.2 . სამინისტროს შემთხვევაში:

მომღები: საქართველოს შრომის, ჯანმრთელობისა და სოციალური დაცვის სამინისტრო

მისამართი: წერეთლის ქ. №144, თბილისი, საქართველო;

ტელ: 995 32

ფაქსი: 995 32

7.2.3. მყიდველის შემთხვევაში:

მომღები: შპს "აღიანს მედი +"



მისამართი: ფაღიაშვილი/მოსაშვილის ქ. №85/24, ქ. თბილისი, საქართველო.
ტელ: (+995) 32 2253 901; (+995) 577 141434

7.4. მყიდველი ვალდებულია შეატყობინოს გამყიდველსა და სამინისტროს მის საიდენტიფიკაციო მონაცემებში ნებისმიერი ცვლილების, მათ შორის მისამართის ცვლილების შესახებ, ამგვარი ცვლილების განხორციელებიდან არაუგვიანეს 10 (ათი) კალენდარული დღისა. წინააღმდეგ შემთხვევაში, მყიდველის ძველ მისამართზე გაგზავნილი ნებისმიერი კორესპონდენცია, მათ შორის წერილობითი გაფრთხილება ჩაითვლება ჩაბარებულად;

მუხლი 8 მარეგულირებელი კანონმდებლობა, დავების გადაწყვეტა

8.1 ხელშეკრულება რეგულირდება და განიმარტება საქართველოს კანონმდებლობის შესაბამისად;

8.2. მხარეთა შორის დავის არსებობის შემთხვევაში საკითხი წყდება მხარეთა შეთანხმებით. შეთანხმების მიუღწევლობის შემთხვევაში დავას წყვეტს საქართველოს სასამართლო საქართველოს კანონმდებლობის საფუძველზე.

მუხლი 9. სხვა დებულებები

9.1. წინამდებარე ხელშეკრულებაში ნებისმიერი ცვლილების ან დამატების განხორციელება დასაშვებია მხარეთა წერილობითი თანხმობის საფუძველზე, რომელიც გაფორმდება როგორც ცალკე ხელშეკრულება და დაერთვება წინამდებარე ხელშეკრულებას, როგორც მისი განუყოფელი ნაწილი.

9.3. საკითხები, რომლებიც არ არის რეგულირებული წინამდებარე ხელშეკრულებით, წყდება საქართველოს მოქმედი კანონმდებლობის შესაბამისად.

9.4. ამ ხელშეკრულების ცალკეული პუნქტების გაუქმება ან/და ბათილობა არ იწვევს ხელშეკრულების სხვა პუნქტების გაუქმებას ან/და ბათილობას.

9.5. ხელშეკრულების ერთ-ერთი მხარის მიერ წინამდებარე ხელშეკრულებით გათვალისწინებული რომელიმე უფლების გამოუყენებლობა არ წარმოადგენს ამ უფლებაზე უარის თქმას.

9.6. წინამდებარე ხელშეკრულება გაფორმებულია ქართულ ენაზე, თანაბარი იურიდიული ძალის მქონე 4 (ოთხი) ეგზემპლარად, რომლებიც გადაეცემა მხარეებს და საჯარო რეესტრს.




ყოველივე ზემოაღნიშნულის დასტურად, წინამდებარე ხელშეკრულების მხარეებმა, რომლებიც მოქმედებენ თავიანთი სათანადოდ უფლებამოსილი წარმომადგენლების მეშვეობით, ხელი მოაწერეს წინამდებარე ხელშეკრულებას მითითებულ თარიღში.

”გამყიდველი”

საქართველოს ეკონომიკისა და მდგრადი განვითარების სამინისტრო

წარმომადგენელი დავით გიორგაძე



სამინისტრო

საქართველოს შრომის, ჯანმრთელობისა და სოციალურ დაცვის სამინისტრო
წარმომადგენელი ზურაბ ჟიბურაშვილი



მყიდველი

შპს “ალიანს მედი +”

წარმომადგენელი გიორგი თოხაძე

